


20  
AD ILLUSTRISSIMUM; 17  
AC REVERENDISSIMUM DOMINUM  
**D. FRANCISCUM**  
**CASTELLINUM**  
**EPISCOPUM TIBURTINUM,**  
AC PONTIFICIO SOLIO ASSISTENTEM  
**ORATIO**  
*PRO SOLLEMNI EJUS*  
**IN TIBURTINAM URBEM INGRESSU**

HABITA DIE TERTIA APRILIS  
A. D. MDCCLVIII.



**ROMÆ MDCCLVIII.**

**APUD JOANNEM GENEROSUM SALOMONI**  
**TYPOGRAPHUM, ET BIBLIOPOLAM.**  
**SUPERIORUM PERMISSU.**



PRAESUL ILLUSTRISIME,  
AC REVERENDISIME



*Emandatum mihi munus  
Orationem habendi pro  
sollemni AMPLITUDINIS TUAE  
ILLUSTRISSIMAE, AC REVEREN-  
DISSIMAE in Tiburtinam  
Urbem ingressu, impar-  
licet illi pro dignitate sustinendo, ed  
tamen libentius suscipiendum putavi;  
quod & convenientius esse videbatur, ut  
ego, qui in Tiburti Dioecesi natus, at-  
que optimis studiis in ejus Seminario  
imbutus essem, id muneris susciperem;  
& opportunior mihi dabatur facultas  
meum in te singulare studium, summam-  
que reverentiam declarandi, meque in  
tutelam, ac patrocinium tuum conse-  
rendi. Quod cum pro mearum virium  
tenuitate angusto licet temporis spatio*

*praestare studuerim , R.D. Antonius Oliverius Baroncinus tuae Cathedralis Canonici , ut aliquod extaret eximiae ejus in te observantiae testimonium , hanc Oratiunculam tuo praeclarissimo nomini inscriptam typis edendam curavit . In ea igitur omnium nostrum , qui gloriosâ filiorum tuorum appellatione censemur , verissimas mentes , ac sensus agnosces : Proindeque AMPLITUDINEM TUAM vehementer rogo , atque obtestor , ut illam pro egregia tua benignitate accipias tanquam perpetuum obsequentissimi in te animi mei monumentum . Romae Kalendis Aprilis MDCCLVIII.*

Amplitudinis Tuae Illiâe , ac Rmâe

*Additissimus famulus , ac filius obsequentissimus  
Franciscus Parisius .*

ORA.



## ORATIO.



LUXIT tandem dies nobis optatissimus, ac festivo plausu, perpetuaque memoriâ recolendus, cum Tiburtina Ecclesia jamdudum Pastore suo optimo, vitae sanctitate, ac omnium virtutum laude clarissimo viduata, te Praesulem amplissimum, nobilitate generis, scientiâ, singulari doctrinâ, morumque integritate praestantem, in jure sanctissimè dicundo, ac rebus in arduis Apostolicae Sedis negociis prudenter gerendis probatissimum, praesentem in-tuetur, amplectitur, veneratur. Scilicet ex quo primum tempore Tiburtina haec Civitas, universaeque hujus Dioeceseos homines intelleximus, te gravissimo, ac poene divino Sanctissimi Patris nostri BENEDICTI XIV. PONT. MAX. judicio Episcopum renunciatum fuisse; novo, ac inusitato correpti gaudio vehementer laetati sumus, quod in te eligendo ita omnibus optatis nostris Sacratissimi Principis mens sancta responderit, ut non modò spes omnes nostras superaverit; sed acquaverit etiam vota: quae cum ultra praescriptos humanae felici-

tatis fines saepè efferantur, vix ea quisquam, nisi tui similis implere posse videbatur. Nunc autem, cum tui videndi, fruendique maximum, quo universi tenebamur desiderium explere licet, in hac nempe cunctorum ordinum celebritate, atque conventu, omnes vultu, oculis, gestu, summam animi laetitiam, atque alacritatem praefecerunt; omnes te unum tanquam ad hujus patriae decus, atque tutelam coelesti dono missum intuentur, sospitemque ad tuam hanc Sedem divinâ ope perductum, ac florentissimi Ecclesiastici hujus Ordinis coetus coronâ, lectissimaque Procerum catervâ stipatum, inter communes plausus, & festivas populi voces sacratissimam hanc aedem ingressum, venerandae isti Cathedrae gaudent insidere.

II. Quapropter primum quidem immortales agimus gratias bonitati Divinae, cujus ingenti beneficio factum est, ut tu, qui sapientiâ, judicio, prudentiâ juris, rerum experienciâ plurimum polles, Tiburtinae Ecclesiae praeficereris; deinde gratulamur tibi, optime Antistes, tam sublimem in Ecclesiastico ordine partam dignitatem; gratulamur huic Civitati, quae antiquitate, situ, celebritate; fontibus, flumine, lacu; montibus, marmoribus, templis, officinis; feracitate soli, vini, fructuum, olearum, omnium denique rerum copiâ; veterum Romanorum deliciis, omnibus, ut uno verbo absolvam, naturae, atque artis ornamentis, Poetarum quoque carminibus longè celeberrima, dignum fortita est Episcopum, qui succederet tot amplissimis

S. R. E.

S. R. E. Cardinalibus, atque Praefulibus, rebus gestis, doctrina, sanctitate praeclarissimis, qui hanc Ecclesiam felicissimè gubernarunt: quorum quidem gloriam facilè te aequaturum spem nobis certam ingerunt patria, genus, studia, vita denique tua, quam tot annos in Romanae aulae splendidissimo theatro, atque in egregiis Sedis Apostolicae muneribus obeundis magna cum laude duxisti; illustra etiam majorum tuorum praestantissimorum hominum exempla, quorum certè gloriam, ac partos honores, si mens mihi esset celebrare dicendo, dies me, atque oratio deficeret.

III. Nam quoad longissimè possumus praetertorum temporum memoriam recordari, ex quo primum Beccarius ille Numeriani, ut tradunt, Imp. filius, unde stirps antiquissima Beccariorum, ac mox Comitum de Castellinis continuà descendentium serie ad nostram aetatem propagata est, dum pro Constantino Magno bellum gereret, tredecim victorias ex hostibus reportavit, atque ab eo magnam Insubriae partem gubernandam accepit: inde usque repetentes, invenimus profectò nullum laudis genus esse posse, quo familiae tuae proceres non sese dignissimos praestiterint. An quaerimus homines regendis populis, ac dominandis urbibus praecellentes? en nobis occurrent Beccareus, Ugo, Carindus, Hector, quibus Italiae Reges castra, atque oppida nobilissima tradiderunt: occurret Rolandus Orthoni IV. Romanorum Regi charissimus: occurret Manfredus, qui Ticini dominationem a majoribus

ribus relictam accepit , ab hostibus occupatam vindicavit : occurret Mussus , qui Gonzagorum Mantuae Dominorum , aliorumque Italiae Principum sibi affinitatem comparavit ; ex quo quidem ortum habuit celebris ille Castellinus , qui Papiæ principatu post patris obitum accepto , cum Lucchinio Vicecomite , cujus etiam filiam de sacro lustrali fonte susceperat , foedus iniit , illumque a Ludovici Bavari Imp. sibi infensissimi praepotenti exercitu liberavit : occurret denique Castellinus hoc nomine tertius , Gibellinarum partium Dux fortissimus , qui seditionem ingentem contra Jo: Mariam , ac Philippum Vicecomites Mediolanensium dominos ortam , virtute , prudentique eloquio restinxit ; quique Emmanuelem Paleologum Constantinopolitanum Imp. lautissimo hospitio domi suae excepit , muneribus splendidissimis cumulavit .

IV. At cujus est ingenii tanta vis , atque facultas , qui virorum ex familia tua bello , militiaque praecellentium res pro republica gestas possit non dicam laudibus exaequare , sed dicendo enumerare ? Quis Boccardum Caroli M. ducem , qua par est , oratione prosequatur , qui victis insigni clade in Sardinia Maurorum copiis , eorumque reliquiis ex Corsica depulsis , ejus insulae ducatum ab Imperatore accepisse memoratur ? Quis Bonifacium Corsicae Comitem , qui ( ut refert Sabellicus ) cum Beccario fratre adversus Mauros difficillimum bellum confecit , quorum alios in Africam classe appulsus commisso praelio delevit ,  
alios



alios Sicilia oclusos reditu ad suos interdixit? Quis  
 Galeatium, qui Francisco I. Galliarum Regi po-  
 tentissimo Ticinum urbem magna copiarum vi,  
 gravique obsidione oppugnanti restitit, atque ho-  
 stes patriae ferrum, ignem, ruinamque minitantes  
 a moenibus urbis fortiter propulsavit? Quis Ludo-  
 vicum Mariam virum tanta fide, atque animi ma-  
 gnitudine, ut cum ejusdem Francisci Regis post  
 fatale illud praelium capti custodia ipsi esset de-  
 mandata, ingentem pecuniae vim, sibi ut Regem  
 dimitteret, oblatam recusavit? Quis Pyrrhum,  
 Franciscum, Julium, aliosque equites inclyti Hie-  
 rosolymitani Ordinis, cui Julius in maximorum  
 bellorum contra Turcas, atque alios Christiani  
 nominis hostes expeditionibus, ac obeundis apud  
 Sixtum V. Romanum Pontificem, pluresque Ita-  
 liae Principes Legationibus egregiam navavit ope-  
 ram? Quis Leodrisium, Neapolitana nobilitate a  
 Carolo Rege ob virtutum insignia donatum? Quis  
 Paganum, Hyppolitum, Hectorem, Theobaldum,  
 Sfortiam, Palamedem, quorum alii pro tuenda pa-  
 tria fortunas, sanguinem, vitam profuderunt; alii  
 Principum Italiae copiis imperarunt, alii in Sy-  
 riam bello sacro contra Saracenos commigrarunt?  
 Sed quid ego longingua commemoro, quasi de-  
 sint in stirpe tua etiam hac aetate nostra, viri  
 militiae gloriâ cum veteribus comparandi? Nam  
 quis satis pro merito laudare possit fortissimum  
 Juvenem Comitem Nicolaum Castellinum fratris  
 tui filium, cui in Regis Christianissimi exercitu ob  
 ma-

magnam rei militaris scientiam, atque egregia in bellis modo italico, modo belgico, modo britanico, modo germanico facinora, insignis militum praefectura delata est. Fuit, fuit haec in familia tua propria, atque perpetua laus, maximis exercitiis imperare, res pro patria praeclarissimas gerere, vastas provincias administrare, urbes florentissimas ab hostium oppugnatione defendere.

V. Sed bellicae tuorum laudes minus fortasse sunt nobis ex hoc loco commemorandae, quàm eorum, qui pietatis, honorum, aut doctrinae famâ commendantur: quoniam ex illis quidem sola indoles quaedam generositatis, magnique animi in te potuit derivare; ex horum autem exemplis discere potes quibus artibus & episcopale munus melius implere, & nos beatos efficere possis. Praepone igitur, quaeso, tibi ante oculos Lanfrancum illum gentilem tuum, qui ad Cantuariensis Ecclesiae Episcopatum evectus SS. Dunsthani, atque Alfegi Episcoporum sacra pignora in augustissimo templo, quod ipse a fundamentis exciraverat, recondenda curavit. Inspice viri tam sancti in tuenda contra Othonem Guillelmi Regis fratrem, ecclesiastica libertate constantiam; inspice vitam ab eo religiosissimè, integerrimèque perductam. Inspice alium etiam Lanfrancum, qui primum in Parisiensi Lyceo omnibus humanis, divinisque disciplinis excultus, mox in Patriam reversus, amplissimoque patrimonio in Christi pauperes distributo, in Monachorum solitudinem coelestium

stium rerum contemplationi unicè vacaturus secessit : de quo quidem viro tanta fuit in suo Ordine opinio sanctitatis , ut praefecturam Monachi , Episcopatum Cives invito licèt detulerint . Quamquam eo munere sanctissimè functus sese denique in pristinum vitae suae institutum ad felicem usque vitae suae metam recepit . Inspice Conradum Papiensium itidem Antistitem , prudentiâ , vitae sanctitate , scientiâ scriptorum laudibus commendatum ; inspice Jacobum Beccarium ab Innocentio III. in Cardinalium Collegium adscriptum , Etruriae , Aemiliae , Piceni , quin etiam gallicâ , atque britannicâ Legationibus pro Summo Pontifice perfunctum : inspice Thefaurum itidem Cardinalem , cujus animi fortitudo in hostibus sanctae Sedis retundendis tanta fuit , ut illatam ab iis indignissimam mortem perpeti non exhorruerit .

VI. Possem hoc loco commemorare Joachimum Philosophum , Theologum , jurisque Pontificii , ac Caesarei peritissimum ; Augustum piissimum hominem , qui Papiense Xenodochium diviti haereditate auxit : possem Margaritam virginem , Beccariam , ac Francischinam religiosissimas foeminas ; possem etiam laudibus ad coelum tollere Fabritium Castellinum sacrosanctae Patriarchalis Liberianae Basilicae Canonicum patruum tuum , virum , cujus pietatis , innocentiae , comitatis famam nunc etiam per hominum ora pervagatam nulla unquam aetas oblitterabit ; possem etiam multa de Comite Bartholomeo clarissimo viro patre tuo honorificen-

tissi-

tissimè praedicare, qui ingenio, judicio, scientia rerum omnium aetatis facultates praetervectus vix annos viginti atque unum natus de subtilibus juris disputationibus doctissimum opus in lucem edidit. Quorum omnium non modo nobilitatem, sed etiam virtutes veluti quodam haereditario jure ad te delatas ita moribus tuis expressas videmus; ut te dignum iis majoribus, ex quibus natus es, merito agnoscamus. Verùm animadverti jamdudum, Praeful illustrissime, quantus rubor offundatur singulari modestiae tuae in tuorum laudibus commemorandis: quapropter venia mihi danda est, si plurima consultò praeteream, quae de Majoribus tuis tum veteres, tum recentes hystorici, atque auctores ornatissimi Blondus, Bonolus, Trithemius, Sabellius, Villanus, Zazzara, Guicciardinus, Ughellius, Sansovinus, Marchesius, aliisque non pauci posterorum memoriae reliquerunt. Non enim externis laudibus indiget summa tua virtus, veramque gloriam illam esse putas, non quae collecta est ex inanibus insignium splendoribus, sed quam rectè factis acquisisti. Norunt enim omnes eximias animi tui dotēs, quae non rumore vario, aut privatorum hominum studio, sed Romae forisque uno ore, communique omnium praedicatione celebrantur. Testes hoc loco appellare possem omnium ordinum homines justos rerum aestimatores, ac plures praefertim S. R. Ecclesiae Cardinales, quibus charissimus semper fuisti; sed instar omnium sit summum de te Pontificis Maximi BENEDICTI XIV. judicium, qui  
pro

pro sua singulari doctrina rerum omnium , atque longa in Christianae Reip. administratione experientia , non falsa opinione , aut commendatione , sed tuis in Sedem Apostolicam meritis , permotus te ad hujus Episcopatus apicem extulit . Sciebat enim Pater Sanctissimus tibi pueritiam in literis humanioribus , adolescentiam in sacris , & caesareis legibus , vitam denique totam in historia ecclesiastica , atque civili , in Sanctorum Patrum disciplina , in gravioribus , & sublimioribus doctrinis cognoscendis esse traductam : inesse moribus tuis gravitatem cum lenitudine temperatam , ac proinde magnam potestatem , cum egregia voluntate conjunctam fore : insidere in animo tuo omnes optimi Antistitis virtutes , religionem , justitiam , fidem , constantiam , benignitatem , prudentiam . Quocirca pro certo habuit hoc cultu , ac severitate studiorum , hac morum aequabilitate , his virtutibus tecum in Tiburtinae Ecclesiae fastigio accersitis , aureorum temporum felicitatem , bonarum artium studia , veteris Ecclesiae sanctitatem in ea confirmandam . Jure igitur huic Civitati de dignitate hac tua , tanquam de summo bono e coelis in illam delapso , gratulamur .

VII. Gratulamur praeterea populis tuae gubernationi commissis , qui verè beati censendi sunt , dum tibi , qui maximam inter eos obtines potestatem , nihil unquam potius esse intelligunt , quam colere justitiam , moderationem animi , pietatem , ac reliquas virtutes , quas Gentium Apostolus Episcopo

scopo dignas esse arbitratur. Sed maximè omnium venerabili huic Cathedralis Ecclesiae Capitulo, cunctisque ordinis ecclesiastici charactere insignitis gratulamur; qui in te & patrem beneficentissimum, & prudentissimum rectorem, & pastorem optimum agnoscunt. Tuae demum amantissimae Sponsae Ecclesiae gratulamur; quae in te amplectendo, prae nimio gaudio gestire videtur; quòd omnia in se amoris, benignaeque voluntatis officia a te possit expectare. Tuo quippe consilio freti, tuis vigiliis, tuae rectissimae mentis cogitatis, confidimus fore, ut te duce, ac tanquam splendidissima face prae-lucente, ac praedecessoris tui sanctissimi viri exempla inspectante, & in hac ornatissima urbe, & in toto amplissimae Dioeceseos ambitu, disciplina ecclesiastica in suo decore vigeat, atque firmetur; efflorescat in sacerdotali ordine, tam magni ministerii nobilitas; scientia etiam divinarum, humanarumque rerum in nostro praecipuè Clericorum Seminario splendeat; ipsaque Cathedralis Ecclesia & vetustate venerabilis, & Sanctorum multitudine, quorum sacra lipsana habet, insignis, & sacerdotum, ministrorumque frequentia celebris, diutissimè fervet ea, quibus modo per te aucta est, & ornamenta dignitatis, & praesidia stabilitatis suae; cuncti denique, qui tuae fidei crediti sumus, otio, tranquillitate, ac pace, id quod ominari licet, perpetua fruamur: pace inquam illa, de qua in eximia tua ad Clerum, & Populum Tiburtinum Pastoralis Epistola plena amoris, plena consilii, plena apostolici,